

virtutem suam ostendere; sed in omnibus aliis infantibus se similem exhibebat. Unde Leo Papa in serm. de Epiphania dicit; quod Magi viderunt, & adoraverunt puerum Jesum quantitate parvulum, aliene opis indigum, fandi impotem, & in nullo ab humana infantia generalitate dissimilem. Ambrosius tamen super Lucam videtur hoc magis referre ad membra diaboli. Præmissa enim hac ratione, scilicet de fallendo Principem mundi, subdit: Sed tamen magis scellit principes seculi: Demonum enim malitia facile etiam occulta deprehendit, at vero qui secularibus vanitatibus occupantur, scire divina non possunt.

Tertia causa est, ut per Joseph genealogiam demonstraretur Mariæ, ac Christi Domini origo; Judæi enim non in more habebant descriptionem generis ducere per Avos, Atavosque matris, sed patris. Ita offerunt Hieronymus loc. cit., & post ipsum Damascenus lib. 4. de fide cap. 15. verbis hinc: Quo circa scire opera prædium est, nec apud Hebræos, nec apud Scripturam Sacram hoc in more positum fuisse, ut mulierum genus recenseretur. Verum hoc demum lege cautum erat, ne tribus ulla uxores ex altera tribu accerseret.

Quarta causa est, ut B. Virgo per Viri societatem haberet adiutorium ad prolem educandam, fovendam, atque regendam, & ut in peregrinatione Joseph esset ipsi comes, & ductor ad pueri tutelam; & denique, ut totam familiam arte, industria, ac laboribus aleret, ac sustentaret. Hanc causam innuit quoque Hieronymus lib. 1. Comment. in cap. 1. Matthæi scribens: Tertio, ut in Ægyptum fugiens, haberet solatium.

Dicimus III. Matrimonium inter Mariam, & Joseph, fuisse contractum, atque perfectum ante Filii Dei incarnationem, tam quoad essentiam, quam quoad solemnitatem. Est contra Cajetanum negantem incarnationis divine tempore fuisse celebratam inter Mariam, & Joseph nuptiarum solemnitatem. Est pariter contra alios credentes tempore Annunciationis Angelicæ Mariam, & Joseph habitasse quidem simul, sed inter ipsos nuptiarum solemnem celebrationem nondum intervenisse. Est denique contra plures, qui dicunt, Mariam fuisse Josepho matrimonio junctam mense tertio post Angelicam salutationem, & Dei Verbi Conceptionem.

I. Probat. Auctoritate SS. Patrum, Chrysostomi hom. 4. in cap. 5. Matthæi, Am-

brofii lib. 2. in Lucam cap. 1. Chryfologi serm. 175. Euthimii in cap. 1. Matth. Bernardi homil. 2. super Missus est, S. Thomæ 3. par. qu. 29. art. 2. ad 3. Et quanvis defendentes tertiam sententiam pro seipsis adducant Larvatum Origenem homil. 1. in diversa Evangelii loca, Hieronymum, Hilarium; Theopilastrum in cap. 1. Matthæi; Epiphanium hæresi 78. Basilium homil. de Christi nativitate; Cyrillum ca-techesi 12., nihilominus, si attentius prædictos Patres legissent; & connexionem inter principia ab ipsis alias posita intendissent, non illos pro sua opinione citassent.

II. Probat. Maria Virgo debuit esse matrimonio juncta, ne fornicaria putaretur a Judæis, si peperisset inupta: ergo antequam ab Angelo saluaretur; & antequam Christum conciperet debuit esse matrimonio juncta. Probat. consequentia. Si fuisset matrimonio juncta post Angelum salutantem, & nunciantem factum, peperisset ante nonum mensem: ergo jam occasionem habuissent eam judicandi adulteram, & fetum ejus fornicarium. Quod confirmatur contra illos, qui dicunt, fuisse initum matrimonium tertio mense post montanam peregrinationem, quando inventa est in utero habens de Spiritu Sancto; tunc enim post sextum tantum mensem peperisset, adeoque vel graviditas non fuisset tributa Josepho, vel si fuisset tributa potuissent dicere Judæi, mysterium nescientes, quod habuissent carnalem copulam post contracta dumtaxat sponsalia de futuro, & nondum matrimonio de presenti celebrato; quod nemo non videret, quam sit Sponsorum sanctitati, ac dignitati incongruum, ac indignum.

III. Probat. Non fuisset Virginis partus diabolo celatus, si Deipara juncta fuisset matrimonio post angelicam salutationem, & non ante; sed Patrum est sententia Virginem fuisse matrimonio junctam, ut partus ejus diabolo celaretur, qui Christum non de Virgine, sed ex Josephi copula generatum putabat: ergo B. Virgo ante Angelicam Salutationem, & ante Christi Conceptionem fuit matrimonio juncta. Probat. major. Non potuissent Judæi existimare Christum genitum ex Josephi copula, quando vidissent matrem ejus antea gravidam, quam Josepho jungeretur, & parientem observassent post sextum tantum mensem a matrimonio contracto; ergo non fuisset

Vir-